



STATEN VAN ARUBA

Ingek: 30 NOV 2022

Volgnr: IS/306/22-23

Presidente di Parlamento
sr. mr. E.G.A. Vrolijk
L.G. Smith Blvd. 72
Aruba

Washington, DC, 29 november 2022

Apreciado Presidente,

Pa medio di e carta aki suscrito kier a pidi Señor Presidente dirigi e siguiente x15 preguntanan na Ministro di Enseñasa y Deporte, sr. Endy Croes. Suscrito ta desea di haya contesta por escrito riba su preguntanan. Gradiciendo di antemano pa su amabel cooperacion, suscrito ta keda,

Atentamente,

Miguel J. Mansur
Lider di Fraccion ACCION 21



Preguntanan por escrito di Parlamentario, sr. Miguel J. Mansur, Fractieleider ACCION 21, na Minister di Enseñasa y Deporte, sr. Endy Croes, conforme articulo III.17 di Staatsregeling y conforme articulo 59 di Reglement van Orde di Parlamento di Aruba.

Apreciado Minister,

1. Recientemente nos a compronde cu un keho a ser entrega na Dienst Publieke Scholen (DPS) contra Scol Basico Washington. Aparentemente algun mayor kende a identifica nan mes como 'grupo di mayornan Cristian' a registra nan disgusto cu e cabesante lo ta promove homosexualidad. Minister por a comparti cu Parlamento e detayenan di e keho?
2. Minister nos a compronde cu e supuesto 'grupo di mayornan Cristian' lo ta conta cu apoyo di Parlamento of algun Parlamentario. Minister por a comparti si esaki ta berdad?
3. Si acaso algun Parlamentario a titulo personal lo a expresa nan apoyo pa e ponencianan eroneo di e grupo, Minister por a comparti kende nan ta y kiko nan a expresa y den ki forma? Si algo por escrito a wordo entrega Minister por a comparti dicho documento(nan) cu Parlamento?
4. Minister nos ta compronde cu ricibi nieuwsbegrip prepara di Hulanda ta parti di e curiculo of parti di e lesnan duna na scolnan DPS, Minister por confirma esaki?

Aparentemente scolnan ta ricibi un nieuwsbegrip for di Hulanda cu lesnan kant en klaar. Un di e nieuwsbegripnan ricibi tabata inclui e controversia tocante e prohibicion di shete capitan di ekiponan di futbol Europeo pa bisti un 'One Love' armband cu ta promove inclusion di rasa, origen, identidad y orientacion sexual.

Otro punto di preocupacion pa e grupo di mayornan ta cu e muchanan di klas 4 y 6 a bay cinema y e pelicula cu nan a mira lo tabata inclui un personahe of topico LGBT.

E incidentenan aki a hiba e mayornan pa conclui cu e scol y cabesante lo ta promoviendo homosexualidad.

5. Minister por comparti cu Parlamento con DPS a trata e keho incluyendo tur posibel comunicacion, tanto pa e cabesante como e grupo di mayornan?
6. Minister por comparti cu Parlamento con DPS a duna sosten nan e cabesante pa sosedidonan cu tabata completamente pafu di su control?

MM



7. Minister por comparti cu Parlamento ki pasonan a ser tuma pa preveni intimidacion di scolnan no religioso, nan cabesantenan y otro personal pa gruponan cu kier impone nan ideologia?
8. Minister por comparti cu Parlamento ki pasonan a ser tuma pa salvaguardia e caracter no religioso di scolnan DPS den futuro si kehonan similar bolbe sosode?

Minister ta un preocupacion grandi ora cierto grupo kier impone nan balornan (of falta di balornan) riba nos sistema di enseñasa publico. Nos fraccion ta compronde cu personanan similar na esnan cu a entrega keho lo kier entre otro prohibi celebracion di Halloween.

9. Minister y/of DPS tin un programa di conscientisacion pa mayornan tocante e caracter y operacion di scolnan DPS?
10. Minister y/of DPS sa comparti cu grupo di mayornan concerni cu nan ta liber pa manda nan yiunan un scol religioso of lanta un segun nan creencia?
11. Nos ta compronde cu e grupo di mayornan concerni lo kier pa scolnan filter y/of censura contenido di enseñasa, Minister y/of DPS por detaya boso maneho riba e ponencia aki?
12. Minister na 2022 muchanan atraves di apartatonan electronico, telefonnan smart, radio, television etc. tin acceso na e mundo real incluyendo por ehempel e noticia tocante prohibicion di e one love armband durante Copa Mundial 2022. Minister ta kere purba isola estudiante di e realidad lo fortifica nan preparacion pa biba y traha den e mundo real?

Minister nos ta compronde cu tin casonan caminda docente y cabesante di scolnan DPS a recomenda un cierto nivel y/of trayecto academico pa un alumno y Minister a actua contra di dicho recomendacion di e profesionalnan. Nos leynan di enseñasa actualmente ta duna Minister autoridad pa evalua un estudiante y dicidi nivel di e mucha y scolnan por haya nan mes ta tuma un alumno bek cu tanto docente y cabesante a recomenda pa otro trayecto.

13. Minister por comparti cu Parlamento cuanto caso ta existi caminda Minister a actua contra recomendacion di docente y cabesante pa un mucha desde cu Minister a asumi cargo?
14. Minister por duna detaye di cada caso caminda Minister a actua contra recomendacion di docente y cabesante incluyendo cua scol? Kiko e recomendacion pa e alumno tabata ta di e scol (docente y cabesante)? Con Minister a cambia e trayecto?

MM



15. Minister por a comparti cu Parlamento ki tipo di evaluacion Minister a haci pa cada caso caminda e trayecto a ser cambia?

Washington, DC, 29 november 2022

Atentamente,

A handwritten signature in black ink, appearing to read 'MANSUR', with a long horizontal stroke extending to the right.

**Miguel J. Mansur
Lider di Fraccion ACCION 21**